

6 - L'Écantaða Phonétique

Patapim, Patapam,
No sey doun é sortide,
No ma pas brigue espiat,
E mey pergut sou pic,
E la hami é la sét.
Patapim, Patapam,
No sey so qui m'arribe,
E chens nade piétat,
Quén ba lo soun camin,
Que camine tout drét.
No sey pas lou sou noum,
Tà you qué l'Écantaða,
Tà la véde passa,
you que'm hiqui açí,
Tout mati a l'argouey,
No sey pas lou soun noum,
Tà you qué l'Écantaða,
No hèy pas qui pensa
E la noueyt é lou diyeu
E lou diyeu e la noueyt.
You toustèm qu'abi sabut
é díse nou é díse adiou,
you jaméy n'abi boulut,
yaméy préga òmi ni Diou,
Are quéy plégat lou youil,
Déhen la gléysa au capbatchat,
Tà mendica so qui bouy,
Aleda aou soun coustat.

Dé la tèrre ou dou sou,
Taou coum la périclade,
E tout a capbirat,
Arrey né serà méy,
Nou jaméy coum aban,
Ni lou rét dé la nèou,
Ni lou bér dé la prade,
Ni lou cann doun meynat,
Ni l'ana dou souléy
Qui hèy cóurre lous ans.
No sèy pas lou sou noum,
Tà you qué l'Écantaða,
E si néy pas tà ouéy,
Tà douma quéy segu,
Qué l'anirèy parla,
No sèy pa lou sou noum,
Tà you qué l'Écantaða,
Douma qué diserèy,
Dingue açí quéy biscut
Sounque tà réncountra.
You toustèm qu'abi sabut
é díse nou é díse adiou,
you jaméy n'abi boulut,
yaméy préga òmi ni Diou,
Are quéy plégat lou youil,
Déhen la gléysa au capbatchat,
Tà mendica so qui bouy,
Aleda aou soun coustat.

Palalay lalaléro Palalay lalaléro Palalay lalalay lalalay lalalay lalalay lalalay
Palalay lalaléro Palalay lalaléro Palalay lalalay lalalay lalala lalay